

# PROTOCOL ARFER GORAU TPC 2A(a)

## GWRANDAWIADAU O BELL DRWY DDEFNYDDIO MEDDALWEDD FIDEOGYNADLEDDA

### Cyflwyniad

1. Mae'r Protocol hwn yn ategu'r darpariaethau a geir ym Mhrotocol 2A. Mae'n ceisio darparu canllawiau sylfaenol ynghylch gweithredu gwrandawiadau o bell ac mae'n berthnasol i wrandawiadau ar gyfer pob math o apeliadau o fewn awdurdodaeth Tribiwnlys Prisiau Cymru (TPC).
2. Dylid trin gwrandawiadau a gynhelir yn unol â'r Protocol hwn at bob diben arall fel gwrandawriad yn unol â'r ddeddfwriaeth gyfredol.

### Deddfwriaeth

- Rheol 25 o Reoliadau Dreth Gyngor (Newid i Restrau ac Apeliadau) 1993 (OS 1993/290)
- Rheol 30 o Reoliadau Trethiant Annomestig (Newid i Restrau ac Apeliadau) (Cymru) 2005 (OS 2005/758)
- Rheol 37 o Reoliadau Tribiwnlys Prisiau Cymru 2010 (OS 2010/713)

### Cyffredinol

3. Yn unol â darpariaethau Deddf yr Iaith Gymraeg 1993 a Mesur y Gymraeg (Cymru) 2011, mae Tribiwnlys Prisiau Cymru (TPC) yn trin y Gymraeg a'r Saesneg yn gyfartal. Os oes gennych ddewis iaith, neu os oes arnoch angen cyfieithydd neu arwyddwr, dylech gysylltu â'r TPC o leiaf **bythefnos** cyn y gwrandawriad.
4. Bydd gwrandawiadau o bell drwy gyswllt fideo yn digwydd dim ond os oes cyfleusterau addas ar gael i'r holl bartïon perthnasol a TPC.
5. Bydd TPC yn rhoi cymaint o rybudd â phosibl i bob parti am ddyddiad unrhyw wrandawriad o bell. Bydd manylion mewngofnodi fideo-gynadledda yn cael eu hanfon i'r partiön dri diwrnod gwaith cyn y gwrandawriad. Y meddalwedd cymhwysiad fideo-gynadledda diofyn fydd Zoom. Efallai y defnyddir 'Microsoft Teams' ar yr amod bod pob parti'n cytuno i ddefnyddio'r rhaglen hon ac yn hysbysu'r Tribiwnlys o'r cytundeb hwn o leiaf bedwar diwrnod gwaith cyn y gwrandawriad.
6. Os daw'n amlwg nad yw gwrandawriad pell yn bosibl oherwydd naill ai hyd y gwrandawriad neu nifer y partiön ac/neu dystion i gymryd rhan, bydd y gwrandawriad yn cael ei ohirio. Bydd hyn tan y cyfryw adeg ag y bo modd cynnal gwrandawriad cyhoeddus y gall ei fynychu'n ddiogel.

7. Os bydd parti yn anghytuno â'r cynnig i glywed achos o bell, gallent:
  - a. sicrhau bod eu hapêl yn cael ei phenderfynu o dan broses sylwadau ysgrifenedig y Tribiwnlys cyhyd ag y bo pob parti i'r apêl yn cytuno i ddefnyddio'r broses hon;
  - b. gofyn i'w hapêl gael ei glywed yn eu habsenoldeb drwy gyfrwng tystiolaeth ysgrifenedig;
  - c. ceisio gohiriad i adeg o'r fath ei bod yn bosibl iddynt fynd i wrandawriad yn bersonol yn ddiogel.
8. Dylai partiön sy'n dymuno bwrw ymlaen â gwrandawriad drwy gyswllt fideo sicrhau bod eu hamgylchoedd yn dawel ac nad oes potensial i dynnu sylw (h.y. ffon yn canu neu dorri ar draws gan bersonau eraill).

### Cyflwyno dogfennau cyn y gwrandawriad

9. Dylai partiön sy'n bwrw ymlaen â gwrandawriad o bell, lle bo'n bosibl, baratoi bwndel electronig o ddogfennau. Dylai pob bwndel electronig gael ei fynegeio a'i badio a dylid ei ddarparu i'r Clerc a phob parti arall o leiaf **bum diwrnod gwaith** cyn y gwrandawriad.
10. Dim ond dogfennau sy'n hanfodol i'r gwrandawriad o bell y dylai bwndeli electronig eu cynnwys. Gall ffeiliau electronig mawr fod yn araf i'w trosglwyddo ac yn anodd ei defnyddio.
11. Os na allwch ddarparu dogfennau electronig, dylech ddarparu bwndel printiedig. Rhaid i chi sicrhau bod y Tribiwnlys a'r partiön eraill yn cael copiâu o'r bwndel o leiaf dau ddiwrnod gwaith cyn y gwrandawriad. Bydd angen pedwar copi ar gyfer y Tribiwnlys (h.y. un bob un i dri aelod y Tribiwnlys ac un i Glerc y Tribiwnlys).
12. Bydd methiant unrhyw barti i ddarparu bwndel electronig neu brintiedig o leiaf bum diwrnod gwaith cyn y gwrandawriad yn golygu bod yn rhaid i'r parti dan sylw fynychu'r gwrandawriad i esbonio pam na chydymffurfiwyd â'r gofyniad hwn. Yna bydd y Tribiwnlys yn penderfynu a fydd yn bwrw ymlaen â'r gwrandawriad neu'n ei ohirio am gyfnod. Mae hyn yn berthnasol i pan fo'r bwndel yn cyrraedd yn hwyr neu ddim o gwbl.

### Recordio fideo o'r gwrandawriad

13. Caiff y gwrandawriad ei recordio gan TPC, ar gyfer defnydd mewnol yn unig. Ni fydd ceisiadau am gopiâu o'r gwrandawriad yn cael eu diddanu.